

HISTORIA
TAVRICÆ CHER-
SONESI, A TVRCIS SVPERIO-
re anno occupatæ; & TATTARIAE Præcopen-
sis, in prouinciam imperij Turcici
redactæ.

CATALOGVS OMNIVM PROVINCL-
ARVM IMPERII TVRCICIS



DE SAMVELE S'BOROVIO
principe Polono, iussu regis, suppicio affecto,
& motibus inde securis, iam
sedatis.

Et alia cognitu non indigna.



V VITE BERGAE.

A N N O M. D. LXXXV.

DE T A T T A R I S

à Turca subactis.

AVRICA CHERSONESVS, QVAM
Præcop, & Tattariam minorem hodie ap-
pellant; ampla peninsula est, inter Pontum
Euxinum & Mæotiden, versus ortum por-
recta ad Bosporum Cimmerium, qui ad
gradum long. 64. lat. 48. Europam ab Asia
disterminat. Eam medianam, horridi & ardui montes, velut Apenninus Italiam; in boream & australiem, cuius Capha em-
porium celebre, anno 1475. à Mahometo occupatum, me-
tropolis est, dirimunt. In boreali verò parte, TATTARI
Crimæi vulgo appellati, latissimos inter Borysthenem &
Tanaim campos, pascuis subinde mutatis peruagantes,
sedem regiam annos iam ferè 400. habuerunt oppidum
CRIMÆAM. quibus tributum seu pensionem annuam ad
40000. Vngaricorum Poloniæ reges ab auorum memoria
pendunt.

Horum rex proximis annis Mechmet Kirei, Turcis
confœderatus & socius fuit. Aduersus quem proprij fra-
tres seditionem mouerunt: & cùm viribus regi impares es-
sent, ad Stephanum Poloniæ regem, quem infensum Tatta-
ro tributum annuum pendere haec tenus recusasse sciebant,
auxiliij implorandi causa fugerunt. Eos cùm aliquoties
Tattarus repereret, nihil tamen apud Polonum efficeret:
tandem Turcarum Imperator à rege obtinuit; vt proximo
anno, sibi Byzantium, cum legato Polono, sint remissi.
Tattaro tamen eos non restituit, nimirum tanquam Re-
gis Tattarici obsides retinere eos cupiens, vt velit, nolit,

A 2 Tatta.

Tattarus in officio retineretur. Id grauiter Tattarus fecerat,
& tamen petente Turcarum Imp. vt illius stipendijs in Asiam
aduersus Persas auxilio Turcis proficisceretur : regi confe-
derato gratificatus est. Cum autem Turci clade ingenti apud
Tiflin à Persis affecti essent, Tattarorum rex, per Circassios
& Mengrellios, qui etiam Colchidis partem inhabitant, iter
faciens, clade intellecta, cum exercitu suo in regnum se rece-
pit, multum damni habitatoribus istorum locorum, per quæ
iter faceret, inferens.

Verum vt in regnum redijt, intelligereq; fratres
suos, sibi à Turcis, ex fœdere & promissione nondum redi-
ditos esse, magnis in Turcam exarsit iris. Eius mitigandi
causa, AMurathes, legatos cum donis eximijs, ad ipsum mi-
sit, excusans quare hactenus fratres ipsi non remiserit :
allegans, in securitatem regis id fecisse, ne remissi fra-
tres, absente Rege res nouas molirentur. se eos aut reini-
surum breui, aut in securitatem Regis penes se retentu-
rum.

Sed fratres Tattari negligentius Byzantij custoditi clam
aufugerunt, ac denuò bellum fratri Regi, auxilio Moscouitarum,
& quorundam Tattarorum intulerunt. Ad quod
propulsandum Tattarus auxilia Turcarum implorauit, quæ
quidem promissa sunt, sed non præstata. grauatè enim Tur-
cæ in ea loca proficiscuntur, & cum Persis satis habent, quod
agant.

Cum autem denuò à rege Tattaro fratres seditiosi re-
gno exacti essent : Tattarus omnem culpam n Turcas
deriuauit, credens eorum instinctu (cum inexpleibili te-
neantur dominandi cupiditate) factum esse, quod tam fu-
nestum & exitiale bellum fratres sui sibi intulissent. Ra-
tus id nisi ita esset, fratres sibi iamdudum, aut restitui, aut
eadem

eadem diligentia, qua multi alij príncipes viri, ab ipsis retinuntur, custodiri potuisse. Accedebat eodem fermè tempore, ut Turca legatos ad Tattarum mitteret, ac rursus ab ipso, auxilia in Persam, non ut antè, benignè peteret; sed exemplo nouo, superbè fermè efflagitaret.

Quare Tattarus ingentes irarum aduersus Turcam concipit æstus, ac nimium iracundiae indulgens, non citius Turcis bellum indixit, quam intulit, atq; ciuitatem Capham (quæ in Taurica Chersoneso olim Theodosia dicta, à Mahomethe verò Turcarum Imp: maioribus suis erepta erat) intercipiendam sibi esse ratus, eam obsidione cingit, atq; armis, & amotione commeatus, ita Turcas, in vrbe Capha, nihil tale vñquam à socio Rege metuentes, pressit, vt non modò de facienda deditione deliberarent, sed iam intra duos dies dedere velleant.

1584.

Interea Amurathes, extrema quæq; à Tattaris metuens, consilio habito, Tattarum quendam, Islan Gerai dictum, quem per multos annos captiuum detinuerant Ottomanni, & ipsum Regij sanguinis, & vt fertur, naturalem Regis fratrems accerfiri iubet. Eum benignis alloquitur verbis; Ad magnos posse peruenire ipsum honores, si sibi obedire vellet. Rebellasse sibi Regem Tattariæ, nulla de cauſa; omnia in regno tyrannicè agere; subditos miserabiliter affligere; Eos grauata ferre imperiosum dominum. Proinde si ipse vellet in Tattariam proficisci, se ipsis & pecunias & exercitum esse daturum, vt tyrannide liberaret patrium regnum. Consueuisse enim Ottomannos iustitiam colere: miseros defendere à tyrannorum insultibus: esse apertam cunctis afflictis Ottomannicam portam, refugium & receptaculum pauperum & derelictorum. Lætus miser, quod seruili statu solitus, citò dominus salutari deberet, annuit.

Itaq; ex voluntate Imp. Turcici, subito, non quidem Rex, sed TATTARIAE BEGLER BEGV S est declaratus. Iurauitq; fidelitatem Amurathi & ipsius legitimis successoribus; accepitq; vexillum aureum, quemadmodum pro signo fidelitatis, aut loco inuestituræ, Tributarij & subiecti principes à Turcis accipere solent, quales sunt Moldauus Bogdanus, VVallachus & Transyluanus.

Exinde, duce Ochiali, maris præfecto, cum quadraginta, non amplius, triremibus, initio mensis Aprilis, soluit Constantinopoli, atq; paucorum dierum spatio, per pontum Eu-xinum nauigans, secundis ventis vtens prope Capham appulit, cùm postero die ciuitas dedi deberet Tattaro. At Turcæ non modò auxilia in urbem intulerunt, sed etiam seruitute liberatus Tattarus, tentauit optimatum apud fratrem amicos, pecunijs, donis & promissionibus, vt aut dederent sibi fratrem viuum, aut occiderent. Acceperat enim in eum finem, à Murathe ingentem pecuniarum summam. Itaq; pecunia multos ex Tattaris corrupit; inter quos etiam fuerunt consiliarij Regis, atq; unus ex intimis & selectissimis amicis.

Qui vti conuentum erat, proprium Regem, in casa rustica tum diuertentem aggrediuntur, atq; cum duobus filiolis in frustra concidunt, atq; eum, qui hoc ita fieri desiderauerat, Tattarum, pro Domino accipiunt, honorantq;. Qui donis & promissis multis sibi Tattarorum amiciciam & fidelitatem conciliauit.

Talem ad modum Tattari, qui haec tenus liberi & indomiti fuerunt, ex socijs & fratribus Ottomannorum, ipsorum sunt facti serui. Et plerunq; habet Ottomannica amicicia talem finem.

Est autem mirandum, quod tam piger, tamq; inutilis
Amu-

Amurathes, tam felices habeat rerum suarum successus, quos maiores sui vix armis habere potuerunt. Verum credo, ipsi hoc ita contingere, quod iam Imperium suum maiorum armis & virtute est confirmatum & stabilitum. Quemadmodum legimus, fortunatos fuisse nimis saepe, Neronem impium alias & dissolutum, & impurum Heliogabulum. Forsitan quoq; habiturae sunt Amurathis res miserabilis finem, quemadmodum habuit fortunatus ille Polycrates Samius apud Herodotum. sed oretenus aliquando, si ita Deo placebit, de his & similibus colloquemur.

Eodem ferè tempore, quando Amurathes Imp. Turcarum, fraudibus Tataros domuit, parùm absfuit, quod Turcae non destruxerint omnia Christianorum, quæ Constantinopoli sunt, templa, propterea (vt creditur) quod Patriarcha Constantinopol: Ieremias, Turcis templum quoddam Christianum, vti in Moscheam (ita Turcarum templa vocantur) illud transferrent, concedere abnuerit. Sed cessauit tandem destructione duorum templorum Græcanicorum, furor & rabies infidelium. Ieremiam autem Patriarcham, catherinis vincitum, miserabiliterq; per urbem raptatum, tandem Rhodus relegauerunt. Doleo certè istius boni humaniq; viri casum. Erit ipsi absq; dubio gratissimum, si literis ipsum in carcere consolaberis. Deus autem in columem ipsum & fidellem seruet.

Amurathes Imp. Turc. paulò post, cum in horto e-quitaret, spaciabundus, morbo suo corripitur comitali, atq; ab equo prolabitur, & pro mortuo est asportatus in ædes, atq; per aliquot dies Const: pro mortuo habitus est. Cum autem milites (secundum morem & consuetudinem ipsorum) inciperent spoliare ciues, eos sedare non potue-

runt aliter, nisi quod Ianizarorum Agà promitteret, se ipsis
viuum monstraturum esse ipsorum Sulthanum. Itaq; duo-
decimo die morbi Amurathes S. Sophiæ Ecclesiam (quam
capta Constantinopoli Sulthanus Mehemetes, in Mosche-
am transtulit) visitavit, atq; viuum se cunctis monstra-
uit. Sic reuixit, qui per aliquot dies pro mortuo fuit ha-
bitus.

Paucis abhinc diebus, equites Carolostadienses (quos
in confinibus Styriæ, ante duos annos à Turcis clade me-
morabili affectos esse, scripsi) se vindicauerunt. Nouem
enim millia Turcarum intrauerant ista loca, atq; magna
dama habitatoribus istorum locorum intulerant, abducen-
tes multos captiuos & ingentem prædam. eos nostri celeri-
ter infecuti atq; confligentes, in fugam coniecerunt, præ-
dam omnem recuperantes. ex hostibus multi cœsi, capti q;
inter quos duos Begos esse ferunt. parem fortunam nos
quoq; in his locis sperassemus. Turcæ enim iuerant in me-
tallicas ciuitates. Cùm autem ibi in armis inuenirent
Christianos, subito regresci sunt, atq; oppidulum quoddam
Topsan dictum, ipsis tributarium incendunt, atq; miseros
habitatores, nihil tale metuentes, captiuos tanquam hostes
abducunt, ipsis culpam dantes quòd Christianis aduentum
suum indicauerint. Nos qui fuimus 400, in vniuersum,
hæc intelleximus, & quamvis hostes decem miliaribus à no-
bis abessent: tamen celeriter diem atq; noctem equitando,
paulo pòst quam Turcæ ingressi essent castellum Sabath-
eum, aduenimus. Regressi sumus re infecta, dolentes quod
hostes per viam non potuissimus inuenire. Hostes tum nos
in reditu insequi non audebant, quamvis essent circiter duo
millia.

s. Decembbris moritur vir & diues & magnæ auto-
ritatis

ritatis Nicolaus Bathorius, relinquens hæredem Stephanum Bathorium, & ipsum infecundum. Ita ipso etiam moriente in his locis deficere videtur ista familia, quæ multos sapientes & fortis produxit viros, atq; nostra memoria Regem Poloniæ Stephanum Bathorium.

Venerunt iam literæ Byzantio quibus significatur, Ferratem Bassam (quem contra Persam cum ingenti exercitu profectum esse proximis literis indicaui) bis ab hostibus, Georgianis præsertim, cæsum esse. Osman Bassa interim Constantinopoli fuit. atq; Vezir Asim declaratus est, remoto Siaus Bassa. Iam autem contra Persas mittitur cum auxilijs nouis. Cui IMP. triremem & tentoria sua propria, præter morem Ottomannorum concessit. Creditur quod Ferratem strangulandi mandata acceperit, à Sulthano, quod rem iste male gesserit. Carthaginensium consuetudinem Ottomanni seruare videntur, qui Duces suos, male rem bellicam, qualicunq; modo, administrantes, in cruce egerunt. Fertur etiam, quod Tattari rebellionem aduersus supposititum Dominum moliantur. Atq; Turcas grauatè in Tataros prefecturos esse: negantes se contra fratres suos pugnaturos, qui eiusdem sint religionis secum, & arma hactenus fideliter cum ipsis coniunxerint.

Sepusiensis comitatus, vtrum hæreditarius sit, & cui pareat, quæris? Is certè Regi paret Hungariæ, qui hodie est Rudolphus Imp. & nulli præterea subiectus est. *Nam pars Regni est Hungarici, atq; unus ex 70. Regni comitatibus.* Nos etiam pro defensione eius hic reilitamus. Nec etiam est hæreditarius, sed electo Regi cum reliquis Regni partibus cedit. Hoc tamen ex annalibus Hungaricis (quantum memoria repetere pos-

B sum)

sum) constat, *Sigismundum Pannoniae Regem*, cum graue &
 inauspicatum bellum contra Baizetem Ottomannum gere-
 ret, valdeq; inopia pecuniæ laboraret, partem agri *Sepusi-*
ensis comitatus, cum tredecim oppidulis, que Poloniæ versus
 sunt, pro certa pecuniæ summa, regi Poloniæ oppignorasse;
 ita vt iipse ex prædictis oppidis annuos redditus, pro vñbris
 perciperet; Tutela autem & arces, si quæ sunt, Regi Hun-
 gariaæ manerent inuiolatae, id quod hodie etiam ita feruatur.
 Ita quidem credam, ius illud pignoris, Poloniæ Regis ha-
 redibus, qui ex Iagellonum familia descendunt (ex quorum
 numero Heduuigis socrus Iulij Ducis, fuit) iure deberi;
 Quamvis comitatus Sepusiensis regis sit Hungariæ. Tran-
 sylvania beneficium Turcici Imp: hodie est.

CATALOGVS PROVINCIA- RVM IMPERII TVRCICI.

IN ASIA.

1. *Natoli*, h. ASIAE MINORIS Beglerbegus seu vicere, re-
2. *Caraman*, Ciliciæ præst. (sedit in Chiutaia.)
3. *Seuas*, Syriæ superiori, residet in Sebastia.
4. *Halep* Alepi residet, parti Syriæ præst.
5. *Scham*, DAMASI, quæ Scham Turcis & Arabibus dici-
tur, Syriæ, & Calelyriæ, Palæstinæ &c.
6. *Tarablos* siue *Traplos*, Tripolitano regno præst ad montem
7. *Maras*, Arabiae desertæ confinis. (Libanum)
8. *Dtarbechiæ*, MESOPOTAMIAE.
9. *Bagdat*, BABYLONIAE & Chaldaæ.
10. *Fas*. Mengrellios, Colchidis habitatores sub se habet, for-
itan à Phasi fl. ita nominant.

Ezra

11. *Ezram*, parti ASSIRIAE & ARMENIAE præst.
 12. *Balsara*, ad sinum Persicum, Persidis & Chaldææ partem ha-
 13. *Labfa*. Caramanniaæ quæ Ormum versus. (bet.
 14. *Iemen Adin*, A R A B I A E præst.
 15. *Hebesch*, ad sinum Arabicum dominatur, obiectus Pres-
 bytero Iohanni.
 16. *Messier*, AE G Y P T O , residet in Cairo, quam Messier vo-
 cant Turcæ cum Aegypto. Iudæi Misraim ex literis fa-
 cris adhuc vocant.
 17. *Cypro*, Cypro præst, residet Nicofiaæ, siue Niconiaæ potius.
 18. *Van*, in confinibus Persiæ.
 19. *Scheresful*, etiam in confinibus Persiæ, sed tamen Assiriæ ma-
 gnam partem sub se habet.
 20. *Cars* in Armeniae & Mediæ } Hi Beglerbegi nuperimè con-
 finibus. } stituti sunt contra Persam.
 21. *Tiflis*, in Georgianorum R. } sed reliquis, propter incertū
 22. *Tschildr*, in confinib. Me- } belli euentum, & propter pro-
 23. *Sohum*, ibidem. (dix. } uinciarum paruitatem, ne-
 24. *Temircapi*. Ferreæ portæ. } quaquam comparandi sunt.

In EVROPA.

1. *Rumuli*, Thraciæ siue GRÆCIAE TOTIVS. Turci. n.
 Græciam Rumuli vocant, corrupto Romaniae nomine,
 alij post Constantinum magnum, vocant Thraciam, So-
 phiæ sedem habet, sed plerunq; Constantinopoli est.
 2. *Caffa*, T A V R I C E Chersonesi, olim Theodosia dicta.
 3. *Temesuar*, Hungariae versus VVallachiam.
 4. *BUDA*, HVNGARIÆ superioris, residet Budæ.
 5. *Bosna*. Dalmatiæ, Illyridi, & Croatiæ parti præst, residet Bos-
 siæ.

In AFRICA.

1. *GiuilGefare*, Algeriae præst, quam Turcæ ab antiquo
 B 2 nomi-

- nomine sed corrupto, nominant Giuelgesarè i. Iuliam
Cœsaream.
2. *Tunis*, Tunetanum habet Regnum, & residet Tuneti.
 3. *Tripoli*, Leptis est antiquis, & Tripoli Aphricæ residet.
 4. *Capitan Bassa* his adiungitur, Is mari præst, & inter Beglerbegos numeratur. Et fermè omnes Aegæi maris insulas sub se habet. Residet tamen plerunq; Constantinopoli & Callipoli.

Singuli Beglerbegi sub se habent suos Begos, siue Sanguicbegos, quorum quisq; fermè principatum aut Ducatum obtinet, & vice Beglerbegi sunt. seu vice Domini. Seruit eorum quisq; plerunq; 500. sæpe 1000. equitibus. Horum in vniuersum sunt plus minus 300. Hi sub se habent Spahileros, quos recte vocamus Vasallos siue beneficiarios. Nam equites merent & beneficia pro stipendio habent, ad tempus.

D E S A M V E L E S B O R O. V I O P O L O N O.

1573. **S**amuel Sborouusky ob imperfectum sub coronationem Regis Henrici Castellanum Premisiensem, ex familia VVapousky in Arce; perpetuò bannitus siue exilio multatus erat, absq; tamen vlla infamia, quæ in talibus addi solet, nota. Per hoc tempus partim in Transyluania, partim in campis illis latissimis, in quibus grassantur Nizeuij Cogazij, tum in proximis VValachiaæ partibus vitam degebat, ita tamen quod sæpius in Regnum ad suos veniebat, (Habebat enim vxorem ex familia Spitronum Castellani olim Cracouien. filiam) & tam Cracouiae, quam in alijs ciuitatibus ac oppidis morabatur, atq; interdum li-

centio-

centiosius grassabatur. Quærebat int̄erea per fratres & consanguineos suos, modos & rationes, quibus placere offendam partem, & Reipub. decreto comitiali, restituī posset. quæ res non successit, multis intercedentibus causis.

Cùm verò passim multi conquererentur, & pro singulis comitijs exclamarent, bannitos, contra leges patriæ in Regno versari, impunè multa illicita ac interdum horrenda committere, negligentibus locorum, vbi hæc fierent, Capitanis, quibus idipsum non sine aliquo officij neglecti aut metus aut connuentia legibus inimicæ, aliorumq; similiū nota, exprobrabatur: admonebantur sedulò & serio, diligenter in posterum ut cauerent, ne quid ex istiusmodi indulgentia Respub. incommodi, & leges propter vilipendium periculi, ipsorum causa sustinerent. Et nominatum, quibusdam in comitijs, instigantibus offensis decretum fuit, ne quibusvis in locis Capitanei D. Samuelem conuersari paterentur. quinimo si in contemptum legum id facere amplius præsumeret, 1531, pro officio eundem captiuarent.

His causis adductus Magnificus D. Cancellarius Ioannes Zamoiscius, simulatq; Capitaneatum Cracouensem adeptus est, cùm sciret Samuelem s̄epius in minori Polonia apud suos & alios passim degere, omniaq; superioris attacta, familie suæ fortassis n̄isum tum potentia tum auctoritate, contemnere: admoneri illum aliquoties curauit per fratres Magnificos D. Ioannem & Andream, alios item propinquos, ne in locis illis, vbi cum potestate versaretur, subsisteret. alias pro officio & conscientia sua quod vellet exequi leges, recentiusq; lata decreta. Illo nihilo minus curante, imò in contrarium eò audacius nitente, cùm ad alia noui quidam conatus & factiones sensim pro-

derentur, tum periculum quoddam ipsi D. Cancellario imminere non incertis argumentis cognosceretur, ne malum hoc latenter diutius glisceret, Deus fortassis sustinere noluit.

Magnificus D. Cancellarius, pro more, iudicia ordinaria, quæ non nisi per ipsos Capitaneos iudicari quotannis aliquoties solent, proclaimari iubet Cracouiam ex Lituania satis cautè & circumspetè proficisciatur. Circa Sandomiriam transeunti nunciatur D. Samuelem amplio desperatorum hominum numero stipatum simul cum illo Cracouiam ingredi constituisse, subindeq; non procul ab eodem nocturno hospitio deligendo subsistere solere. Per aliquot id. ipsum penitus exploratores cognoscitur, venit tandem Prossouiam, vbi cùm Dn. Cancellarius pernoctatus substatisset: medio abinde miliari, apud viduam sororiam suam VVlodokouua nuncupatam, in villa Piekari D. Samuel hospitatur, comitatus sui maiore parte in viciniora villa relicta. Quid secretius tentare cogitauerit, norunt exactè quorum interest, cæteri non item. Iam verò hic Iurisdictioni Capitanei Cracouensis primū locus aperiebatur.

Proinde noctu vice capitaneum suum Vrouecium immittit cum præfidiarijs Cancellarius tanquam Capitaneus, qui impetu in domum viduæ facto, licet non statim prodetur, imperfecto uno pueru qui gladium Samueli porrigebat, & filiole eiusdem aliquantulum vulnerato, quod bombardam ejaculatus esset, post multas concertationes D. Samuelem capit: Prossouiam deducit. inde simul cum D. Cancellario Cracouiam rectâ in arcem, curru proximè ipsum sequente, cum præsidio, liber vectus, ingressus ac custodiæ traditus est. Porrò qui tum præsentes aderant ex nobilitate

Craco-

Samuel capiſt

Cracouiae obuiam progressi, cùm primūm in árce D. Cancell.
salutassent, longa ac eleganti oratione totius facti rationem
sibi explicari audierunt. Hoc factum fuit die 12. Maij.
Interea dum D. Samuel sub custodia nemine penitus ad se
admisso asseruatur : varia diuersaque; subsequuntur. Can-
cellarius, Regi, præcipuisque; Senatoribus, per literas facti
sui reddit rationem. Altera ex parte apud suos primūm, de-
inde & apud alios, paßim querelæ fiunt publicè & priuatim.
Indebitè vim esse illatam : nemine instigante captum esse :
Proscriptionis huiusmodi qualis ista est, nullam legibus de-
scriptam esse precam : fidem datam fuisse D. Samueli, quod
liberè, ac tutò in regno versari posset : per transiitum pro-
fectionem hanc contigisse, vt qui filiolum in Germaniam
deduceret : magis ex priuato aliquo odio, quam ex legum
obseruantia, factum existimari debere, multaque; alia huius-
modi.

Die 19. Maij Nobilitas Palatinatus Cracouiensis, per
Succamerarium suum D. Zikouskij interponit sese satis ac-
curata & grauiter prudenterque; conscripta oratione, etiam
scripto tradita, à D. Cancellario hoc vnum efflagitando, ne
quippiam præcipitanter in illum committeretur : vt potius
ad Comitia reseruaretur causa huius per omnes ordines co-
gnitio & iudicium ; vel vt ad Regiam Magn : remitteretur.
Responsuim prolixum, multisque; respersum argumentis & col-
loribus oratorijs, vt quod facti totius non sine circumstantia-
tiarum ante & post descriptione narrationem contineret,
scriptio itidem nobilitati exhibutum est, in quo nulla certa
apparuit resolutio, præter hanc, quod in præsenti casu id fa-
cturus esset, quod sibi secundum Deum conscientia & offi-
cij autoritas dictaret.

Interea Die 13. Maij quoq; Magnificus D. Andreas
Curiæ Marscalcus litteris & ipse instat, vnâ cum alijs con-
sanguineis suis, apud ordinarios Iudices Regni, tum Lublini
Iudicia exercentes, partes suas vt interponerent ad D. Can-
cellarium, ne quid atrocius in fratrem statuere vellet, satis
iam superq; familiæ illorum violentiæ & iniuriæ, in capti-
uatione illatum esse. Volebant dare obsides, & numero de-
cem ex præcipuis huius familiæ viris obligare se, quod D.
Samuelem pro Comitijs Sereniss. Regi & ordinibus Regni
statuere vellent iudicandum, nec defuturas illi secundum
leges & Decreta contra eundem lata, legitimus atq; iuridicas
defensiones. Tendem petierunt consilium ab ijsdem, quid
aut quomodo in tam acerbo familiæ casu agendum vel pro-
cedendum sibi esset.

Die 14.
Maij.

Breuiter sed prudenter à Iudicibus responsum est illis
& quidem ita perplexè, vt nihil ex ijs litteris aut pro se trahe-
re, aut contra D. Cancellarium usurpare possent. Summa ta-
men erat, se in tali casu consilium præbere non posse, nihil
hoc ad illorum officium aut iudicia pertinere, non defutura
tam amplæ & potenti familiæ sufficientia & opportuna con-
silia domi.

Die 15.

Sub idem tempus Magnificus D. Cancellarius per lit-
teras significat ijsdem iudicibus, qui det quomodo factum sit
non consilium aliquod inquirendo, sed rei veritatem expli-
cando, ne aliter vt in talibus fieri solet, traduceretur. In
dato eidem responso gratias agunt Iudices, qui tanta pru-
dentia ac vigilancia vsus fuerit: satis eum testatum fecisse,
quem virum, vt in defendenda patria armisq; tractandis,
ita in legum obseruantia & securitate publica tuenda, se
præstisset, non dubitare se concludunt breuiter, illum tan-
quam senatorem prudentem, in legibus & libertatibus pa-
triæ

triæ & natum & optimè exercitatum, quemadmodum in alijs omnibus rationibus hactenus fecisset, actum præsentem ad huiusmodi effectum perducturum, ut vtrumq; ius vide-licet publicum, & libertas nobilitatis, salua ac integra perma-neant, nihilq; inde, quod aliqui ominari viderentur, emergat aduersi.

Paucos post dies cùm nobilitati Cracoviensi responsum ad interpositam intercessionem datum esset, cùm nemini constaret, quid facturus esset: die 25. Maij sub meridiem sig-nificatur D. Samueli donati suæ vt disponeret, animæq; pro-uideret, neq; etenim aliter fieri posse, mortem illi decretam esse omnino. Exterritus vehementer dicitur, & animo & corpore concidisse, licet post epulas primum sumtas erectus conscripsit nonnulla. Ante vesperam conuenitur à D. Cancellario, tribus adhibitis testibus, vbi ad aliquot horas sermones varij intercesserunt, qui & quales, Deo soli & tum præsentibus notum est.

Summo mane subsequentis diei, eductus in locum soli- tum suppliciorum, vicecapitaneo cum tribus vel quatuor alijs præsentibus, cinctus se. Hajdonibus, substrato rubeo panno, capite plectitur. Inuolutoq; linteo ad id præparato, imponitur Arcula, & feretrum pannis paratis contegitur. Arce inde aperta confluent omnes turmatim. Durat spe-taculum prope 4. horas, obstupere omnes, præter spem & expectationem factum mussitant: varia metuunt varij, tumultus in promptu fore videbatur.

Quinta à decollatione hora, Castellana Cracoviensis, ipsius vxoris mater, tum quoq; Cracoviæ præsens, currum cum quadrigis in Arcem & seruitoribus mittit, quo corpus veluto tectum in domum Palatini olim Calissiensis dedu-ctum est, ibi q; assuto capite, denuo ornatum more milita-

Die 25.

C

ri, in

ri, in toga rubea ferica, cum clava, biduo conspiciendum à quibusuis frequentantibus publicè iacebat.

Postridie illius diei, quæ res magnæ fuit plerisq; admirationi, **Magnificus D.** Cancellarius cum R. Domino Episcopo pransus est, & ad D. Franciscum ex arce, iuxta ædes, in quibus funus iacebat, bis profectus est. Quarto ab inde die **Magnificus D.** Andreas frater Marscalcus magno comitatu Cracouiam venit, neq; quicquam subsistens aut solennem aliquam actionem vel protestationem interponens, eadem die corpus ex vrbe abduxit. Nec quicquam postmodum subsecutum est eorum, quæ multi passim aut configunt aut spargunt. Quinimo publicè quantum nobis constare potest, conticuere omnia: priuatim multos & quidem præciuos exacerbatos scimus, variaq; varios proponere ac meditari, pro vt quisq; est huic aut alteri parti affectus, ita iudicium suum promit.

Magnificus Dn. Cam. Gnesensis Ioannes, Cracouæ non fuit. Graudenti in Capitaneatu suo, cùm frequentes coniuias in solennitate baptismi filiæ suæ, ex filia Dn. Califsiensis natæ haberet, nuncium de fratre capto accepit: non tamen inde professionem aliquò suscepit, sed domi se continuit, præter quod cum Mag. Dn. Palatino Posnaniensi congressus dicitur. Prudenter sanè quidam ex minore Polonia ad me scripsit: Crede mihi istud factum non erat fabrica vnius dies, diu multumq; de eo consultabatur quò ad venit summa dies & ineluctabile fatum. De quo quidem eius hominis interitu hic varij variè sunt affecti. Dicunt alij rectè cæsum esse, & laudant iustum animaduersionem, alij verò dolent, sed altum premunt corde dolorem, interdum collachrimantes & Tyrannidis metu alas quatientes, quorum quidem sunt pauci. Sed vt fert tempus, facetis prudentiorum sermonibu

monibus perstringuntur, vt iam mitiores esse videantur. In summa breui ea oīnnia euanescent principijs deferuentibus, cæteri verò eiusdem farinæ iam aliquando intelligent, vibratum esse entem ad vindicandam insolentiam, susq; deq; ferebantur tantisper vicia & immanitates. Hæc ille. Qui sint animi hominum ? conuocatio Senatorum à Rege pro 20. Augusti ex grauissimis quibusdam & secretis Reipub. necessitatibus indicta, nec non comitia proxima hyeme celebranda manifestabunt.

Magn. D. Cancellarius, non multis post diebus satis cum moderato tam equitatus quam peditatus comitatu, Cracovia, multis ex nobilitate illum concōmitantibus, egressus est, rectaq; ad reuidendum Capitaneatum recens sibi à Rege post defunctum D. Andream Comitem à Gorka collatum Iauorouiens. satis insignem contendit. Inde recta aut Grodnam, aut Lublinum ad regem profecturus. Hæc summatim & quidem confidenter, de D. Samuele Sborouski, quæ desiderare visus es, significare volui. De Christophoro, perempti fratre, multa hic circumferuntur, vtinam vera non sint. Certissimum est, quò maiores tam nobilis & clara familia motus excitare ex istis occasionibus posse aut velle conari videtur, tot periculosiores atq; vtinam non insperatos sustineat impetus necesse est. Dominus consoletur afflictos & omnia in melius conuertat. Certo affuerabatur à nonnullis, D. Samuelem Milierensem Baronatum, mediante ac promouente fratre Christophoro, iam comparare debuisse, ibi q; mansionem transferre voluisse, Habuit enim circiter centum millia florenorum, in quibus titulo redemptionis Elotzuobena in Russia peropima ab M. Dn. de Gorka tenuit, huiusq; filius tenet. Fama est, non tamen incerta, complura millia Vngaricorum ultra vi-

ginti, in Arcula post detentionem inuenta, non tamen erpta, sed familiaribus illius reliqua esse.

Cum autem fratres Sborouij, apud gentiles & affines suos, multa de Cancellarij injuria questi, & de rege ipso in ordinem redigendo mouissent; & literis ad plures alios scriptis aduersus regem conspirare existimarentur: capita factio- nis, Christophorus & Andreas Sborouij fratres, ad comitia VVarsouiae proxima, literis regijs citati sunt. vbi senatus regni, Samuelem Sborouium iure cæsum pronunciauit, & Christophorum Sborouium, confirationis aduersus regem initæ ducem & autorem, proscriptis. Cæteri supplices in gratiam recepti sunt.

COLONIA.

24. Febr.

BEllum nostrum Colonensem, durat adhuc. Horstum, ad Nonesum arx, à Nuenario intercepta; nunc oppugnatur. Berchum etiam, oppidum ad Rhenum, obtinet; ac muniit, nec tam facile, ab Ernesto recipietur. Qui Ernestus; in patriam ad fratrem, est profectus. Rex, in Belgio, cæso Aurico, à quodam Sequano, cui nomen erat Balthazari Gerardo, nato sex ad Vesontionem milliaribus, in oppidulo Villafano, multis victorijs est potitus. Brugas n. cepit,

n. cepit, Hipras, Teneremundam, & Ganda-
num. Itaq^s, omnem Flandriam, excepta O-
stenda portu, recepit. Scaldim tentat intercipe-
re, operibus adeius ripam exstructis à Parmen-
si, ut Antuerpiensibus nauigationem, & nego-
tiationem, eripiāt, & Bruxellenses, quibus im-
minet, & qui obfessi maximarerum inopia la-
borant, tum etiam Mechlinienses, in suam pote-
statem redigat. Antuerpienses nihilominus,
non terrentur. Ordines autem, ad Francum,
duodecim Legatos miserunt. Offerunt Hollan-
diam, & Zelandiam. Angla, se illis, sed aliud
simulans, coniungit.

Philippus Rex, Philippum filium, in Hispa-
nia regna inaugurarī, obtinuit. filiam natu-
minorem, Allobrogum Sabaudia Duci, matri-
monio iunxit. Natu maiorem Cesari, vel Car-
dinali Austriae eius fratri, traditurus nuptiū.
In ea inauguratione, adfuerunt duo Iapponia,
ex India Orientali, Reges, qui sacris fontibus
sunt initiati. Cuius rei caussa, & ut Regem
viderent, eò, tantis itineribus, venere. Italia,
No-
otio ac pace fruitur.

1585. Nonis Martij.

Pontifex quiescit, & creandis Cardinalib.
Hispanis gratificatur. Rex Gallia cum sit ocio
& libidinibus deditus, in pace istic sunt omnia.
Regina per etatem segnior est, & cum de suc-
cessione regni sit in futurum sollicita, fit ut po-
stulatis Belgarum, qui sua causa Regem pa-
tronum exoptant, non respondeat.

In annum inducias pacti sunt Turci cum
Persis, nihil tamen in Hungaria mouetur, nisi
quod, ut fieri solet, interdum excursiones fiant.

In comitijs VVarsouiensibus, negotia ple-
raq; Cracovijs rejecta sunt. Sborouijjs acci-
dit, quod communiter his, qui de alijs sunt bene-
merit, solet accidere, ut cum se negligi videant,
omnia suspecta habeant. Regi autem, ut suis
benefactoribus gratiam usitato inter homines
more referat.

Moschus fideliter adhuc colit amiciciam
cum nostro Imp. Legatum illius hodie hinc
Pragam dimisimus.

Hispanus nihil intactum relinquit, ut in
suam

suam potestatem redigat Belgicum. Et qua
nunc videntur tranquilla esse loca orbis, paulò
post experiemur turbata moueri.

Regis Suecia filium intellexi maternam
hereditatem ex ducatu Lituania petere, sed de
his rebus certi aliquid à vobis requiremus.

In urbe Vienna nullus est nostra Relligioni
locus. in prouintia quoquo modo retinent pri-
uilegium. utinam verò doctores
haberent sinceros, pios, \mathfrak{E}
prudentes.



: